

Headlines

- मुख्मन्त्री उमर अब्दुल्ला हौरें जम्मू ते श्रीनगर च नमें हाई कोर्ट परिसरें दे निर्माण कम्मै दी समीक्षा कीती, सरबन्धित एजेंसिएं गी कम्मै च तेजी आहनने लेई आखेआ।
- केंद्री मंत्री डॉ. जितेंद्र सिंह हौरें डोडा ते किशतवाड़ जिलें लेई दिशा मीटिंग दी अध्यक्षता कीती, दौनें जिलें च स्वचालित मौसम केंद्र खडेरने दी घोशणा कीती।
- जम्मू-कश्मीर च बेहतर ट्रांसपोर्ट बवस्था लेई सरकारै ई-ट्रांसपोर्ट मिशन मोड प्रोजेक्ट तैहत 44 आनलाइन ट्रांसपोर्ट सेवा शुरू कीतियां न।
- इंडिया स्किल कम्पीटीशिन 2025-26 च जम्मू-कश्मीर अपना नां करा'रदा ऐ, फैशन टेकनालजी हुनर च सुन्ने दा तगमा जित्तेआ।
- जम्मू दे झिगड़े इलाकें च अज्ज शैल बरखा बरी, कल बी मौसम इयै लेया बने रौहने दी मेद, जम्मू-श्रीनगर राश्ट्री जरनैली शिडक गड्डिएं दी आओजाई लेई परतिये बंद।



CM-Court Complexes

मुख्मन्त्री उमर अब्दुल्ला हौरें जम्मू-कश्मीर ते लद्दाख हाई कोर्ट आस्तै श्रीनगर ते जम्मू शाखा लेई परिसरें दे निर्माण दी प्रगति दी समीक्षा करने लेई उच्चि सतह दी बैठक दी अध्यक्षता कीती। बैठक दरान मुख्मन्त्री हौरें इनें परियोजनाएं गी बेहतर तालमेल कन्नै समेबद्द ढंगै नै तोढ चाढने लेई आखेआ। उनें सरबन्धित एजेंसिएं गी निर्देश दित्ता जे इनें प्रतिष्ठित न्यायिक ढांचागत परियोजनाएं गी तौले तोढ चाढने लेई इन्दे कम्मै च तेजी आंदी जा। उनें जम्मू दे जानीपुर स्थित मजूदा अदालतपरिसर गी रैयका मुंतकिल करने लेई प्रशासनिक मंजूरी बी तौले दित्ते जाने दी मंग कीती। नमां अदालत परिसर भलेआं अज्जै-कललै दिएं सुविधाएं कन्नै लैस होग जिंदे च जजें लेई बक्खरे

चैम्बर, आधुनिक अदालतां, प्रशासनिक ब्लॉक, पार्किंग, डिजिटल कोर्ट सरिस्ता ते आधुनिक मानकें मताबक हर सुविधा उत्थै उपलब्ध होग।

<><><><><><>

MoS Disha

केंद्री मंत्री डॉ. जितेंद्र सिंह होरें अज्ज डोडा च डोडा ते किशतवाड़ जिलें लेई इक दिशा बैठक दी अध्यक्षता कीती। बैठका च चला'रदी विकास परियोजनाएं दी प्रगति दा जायजा लैता गेआ। इस मीटिंग च विधायकें ते ऐहलकारें हिस्सा लैता। मीटिंग च बुनियादी ढांचे, आपदा प्रबंधन ते जन कल्याण बारै बी चर्चा कीती गई। मीटिंग मगरा मीडिया कन्नै गल्लबात करदे होई डॉ. सिंह होरें केई महत्वपूर्ण पैहलकदमिं दी घोशणा कीती जिंदे च दौनें जिलें च स्वचालित मौसम केंद्रें दी स्थापना, किशतवाड़ च इक सिस्मोलाजी लैबारटी ते डोडा च हाई एल्टीट्यूड सेंटर दी स्थापना शामिल ऐ। उने आखेआ

<><><><><><>

J&K Tpt. Projects

केंद्र शासित प्रदेश दे बक्ख-बक्ख हिस्सें धोड़ी सड़कें राएं पुज्ज गी यकीनी बनाने दे लक्ष्य तैहत जम्मू-कश्मीर सरकारै ई-ट्रांसपोर्ट मिशन मोड प्रोजेक्ट तैहत 44 आनलाइन ट्रांसपोर्ट सेवां शुरू कीतियां न। इन्दे चा 20 सेवां वाहन ते 24 सारथी पोर्टल राएं उपलब्ध कराइयां जा'रदियां न जिंदे च गड्डिं दी रजिस्ट्रेशन, ड्राइविंग लाइसेंस, टैक्स अदायगी ते पर्मित बनाने दी सेवा बी शामिल ऐ। इस डिजिटल पैहल दी मदद कन्नै आर.टी.ओ दफतरें च जाने दी लोड गै नेई पौग। आधार दी विनाह पर पंछान, ई-केवाईसी, डिजिटल दस्तखत ते ए.आई दी मदद कन्नै चेहरे दी पंछान जनेइं सुविधाएं कन्नै ट्रांसपोर्ट सेवा च बड़ा मता सुधार ते सहूलत होग।

<><><><><><>

Govt. LPG Double

सरकार नै राज्ये च प्रवासी मजूरे गी उपलब्ध कराने लेई 4 किलोग्राम दे मुफ्त बपार एलपीजी सिलेंडरे दे रोजे दी सप्लाई गी दूना करने दा फैसला कीता ऐ। पेट्रोलियम ते कुदरती गैस मंत्रालय दे सचिव डॉ. नीरज मित्तल होरे इस सरबंधे च सबने राज्ये ते केंद्र शासित प्रदेशें दे मुख् सचिवें गी चिट्ठी लिखी ऐ। उने आखेआ कि एहू 5 किलोग्राम एलपीजी सिलेंडर राज्य सरकारें ते उंदे खुराक ते सार्वजनिक बंड बिक्री विभागें गी छडे अपने राज्य च बाहरा आइयै कमम करा'रदे प्रवासी मजूरे गी तेल सप्लाई कंपनीं दे सहयोग कन्नै उपलब्ध कराए जाडन। पेट्रोलियम मंत्रालय नै आखेआ ऐ कि बधाई गेदी निगतरी च सिलेंडरें दी बंड प्रवासी मजूरे गी उपलब्ध कराए गेदे सिलेंडरें दी औसत दस्तयाबी पर निर्भर करोग। सरकार दे इस फैसले पर बक्ख-बक्ख राज्ये च दुए राज्ये थमां आइयै कमम करा'रदे मजूरे खुशी प्रगट कीती ऐ।

<><><><><><>

LG-Greetings

उपराज्यपाल मनोज सिन्हा होरे अज्ज श्री गुरु तेग बहादुर जी हुंदे प्रकाश उत्सव दे मौके पर जम्मू-कश्मीर दे लोकें गी ममारकबाद ते शुभकामनां दित्तियां न जिनेंगी हिंद की चादर, सम्मान दी उपाधि दित्ती गेदी ऐ। अपनी इक सोशल मीडिया पोस्ट च एल.जी होरे मेद प्रगट कीती जे गुरु जी हुंदी सिक्खेआं ते बचार सबने गी सच्चाई, दलेरी ते मनुक्खता दी बतै पर टुरने लेई प्रेरित करदे रौहडन। उने लोकें गी आखेआ कि ओहू श्री गुरु तेग बहादुर हुंदे जीवन ते बलिदान थमां प्रेरणा लेइयै इक ऐसा समाज तैयार करने च योगदान देन जित्थे सबने च सद्भाव हमदर्दी ते समावेशी सोच रची बसी दी दवै ते जम्मू-कश्मीर च रमानदारी ते इकजुटता गी बढावा थहोऐ।

<><><><><><>

ते हन बाकि दिएं खबरें कन्नै कुणाल श्रीवत्स।

J&K Skills Competition

जम्मू-कश्मीर नै राश्ट्री स्तर दी भारत कौशल प्रतियोगिता-2025-26 च शानदार प्रदर्शन करदे होई उत्कृष्टता दे तगमे दे कन्नोकन्नी सुन्ने दा तगमा बी हासल कीता ऐ, जेह्दे कन्नै केंद्र शासित प्रदेश दा मान बधेया ऐ। श्रीनगर दे

नेशनल इन्स्टीच्यूट ऑफ फैशन टेकनालजी दी विद्यार्थी दीक्षा नै फैशन टेकनालजी च सुन्ने दा तगमा जित्तेआ ऐ ते ओहू चीन दे शंघाई च लग्गने आहली विश्व कौशल प्रतियोगिता च भारत दी नुमायंदगी करग। केंद्र शासित प्रदेश नै कुल मलाइयै 27 तगमे जित्ते, जिंदे च 2 सुन्ने, 3 चांदी ते 9 कैहू दे तगमे शामिल न, जेहडे मजबूत प्रदर्शन ते राश्ट्री कौशल विकास पैह्लकदमिणं च बधदी कामयाबी गी दर्शादि न।



Health Day Poonch

जिला प्रशासन पुंछ नै कनून ते सेहत मैहकमे दे सहयोग कन्नै विश्व सेहत दिवस बडे उत्साह कन्नै मनाया। इस ध्याडे दा विशेषार हा, “Together for health: stand for science” इस दरान अधिकारिणं, विद्यार्थिणं ते आम लोकें दी शमूलियत कन्नै बक्ख-बक्ख कार्यक्रम आयोजित कीते गए। वक्ताणं सेहत सरबंधी चुनौतिणं कन्नै निब्बडने लेई वैज्ञानिक मानकें ते समन्वित जत्तें दे महत्व पर लोऽ पाई। अधिकारियें एहतियातन दिक्खभाल ते सेहतमंद जीवन जीने बारै बी जागरूक कीता। इस कार्यक्रम दा समापन विज्ञान आधारित सेहत सेवा गी बढावा देना ते इक सेहतमंद समाज दे निर्माण दे संकल्प कन्नै होआ। इस बारै होर जानकारी देआ’रदे न मेडिकल सुप्रिटेण्डेंट मोहम्मद शफीक



Forest Ramban

रामबन जिले दे जंगलात मैहकमे नै हाल च गै राश्ट्री ग्रीन ट्रिब्यूनल दे निर्देशें दा पालन करदे होई जिले भरै च बडे पैमाने पर बूहटे लाने दा अभियान चलाया। स्हाडे जिला संवाददाता नै जानकारी दिती ऐ जे पर्यावरण संरक्षण गी बढावा देने लेई इस अभियान च नाशरी थमां बनिहाल तगर सबनें डंपिंग थाहरें पर बूहटे लाने दा लक्ष्य मिथेआ गेआ ऐ। यक्ख-बूहटे लाने दी बढावा देने लेई जनता, कर्मचारिणं, करसानें ते अधिकारिणं च तकरीबन 45 जहार बूहटे मुफ्त बंडे गो। अधिकारिणं पारिस्थितिक संतुलन बनाई रखने लेई बूहटे लाने दे महत्व पर जोर दिता ते नागरिकें गी अपील कीती जे ओहू इस चाल्ली दिणं पैह्लकदमिणं च सक्रिय रूप कन्नै हिस्सा

लैन। इस अभियान दा मकसद जम्मू-कश्मीर गी हरा-भरा बनाना ते समुदाय लेई इक टिकाऊ वातावरण गी बढावा देना ऐ। इस बारे होर जानकारी दिंदे होई डी.एफ.ओ, जुगल किशोर गुप्ता होरें आखेआ

<><><><><><>

Rain-Highway

जम्मू खित्ते दे मैदानी ते पहाडी इलाकें च दपैह्री बाद हौली शा दरम्याने दर्जे दी बरखा पौने करी मौसम हल्का सर्द होई गेआ ऐ। मौसम विभाग नै बुधवार संझा तगर बरखा जारी रौहने दी पेशगोई कीती ऐ। मैह्कमे नै इस दरान उच्चियें धारें पर रूकी-रूकिए हल्की शा दरम्याने दर्जे दी बरखा ते बर्फबारी दी पेशगोई कीती ऐ। विभाग दे निदेशक मुख्तार अहमद होरें हर जानकारी दिंदे होई आखेआ

तोआई, डिगडोल ते खूनी नाले बश्कार भारी पस्सियां पौने करी जम्मू-श्रीनगर राश्ट्री जरनैली शिड़क पर दौनें बक्खी दा गड्डियें दी आओजाई बंद होई गेई ऐ। लोकें गी सलाह दिती गेई ऐ जे ओहू अगली सूचना तगर यात्रा नेई करन।

<><><><><><>